



Wanpela gaid bilong ol Pacific Engagement Visa (PEV) apliken:

Wanem kain wok em yu ken painim insait long Australia?

Australia em i wanpela bikpela kantri we i gat planti indastri na wok opotuniti insait long sikspela stet na tupela teritori bilong em. Sois bilong yu long wanem hap yu stap long en em bai afektim ol wok yu ken susim, ol kost bilong living, na ol stat-ap ekspens. Dispela gaid i givim wanpela tok save bilong ol kainkain rijen long helpim ol manmeri long painim wok.

! Ol nambawan samting long tingim

Taim yu painim wok long Australia, em i gutpela long tingim ol dispela samting:

- **Lokesen:** Australia em i wanpela bikpela kantri, na ol stet bilong em i gat ol kainkain klaimet, komyuniti, na indastri
- **Ol wej na kost bilong living:** Ol sampela siti na stet i gat moa wok opotuniti na wej we i antap moa, tasol kost bilong living em i ken ekspensiv moa
- **Komyuniti:** Ol sampela eria i gat, bikpela Pasifik na Timor-Leste komyuniti we i stap pinis, na dispela i ken helpim yu long pilim olsem yu stap wantaim ol lain bilong yu.

Wanpela sotpela gaid long ol stet na teritori bilong Australia

🔄 Klaimet na ol komyuniti koneksen

- **Northern Territory (NT), Queensland (QLD), na Western Australia (WA):** Ol dispela stet em ol i gat ol tropikel klaimet wankain liklik olsem ol klaimet long Pasifik na Timor-Leste.
- **Victoria (VIC), Tasmania (TAS) na South Australia (SA):** Ol dispela stet i gat kol klaimet, we i gat fopela sisen.

🌐 Ol maltikalsarel komyuniti:

- Ol Pasifik komyuniti em ol i bikpela tru long Queensland, New South Wales na Victoria.
 - **Long New South Wales,** ol Pasifik komyuniti i stap long Blacktown, Liverpool, Campbelltown, Penrith na Canterbury-Bankstown
 - **Long Queensland,** ol Pasifik komyuniti i stap long Logan, Brisbane, Ipswich, Gold Coast, na Moreton Bay
 - **Long Victoria,** ol strongpela komyuniti i stap long Casey, Hume, Brimbank, Melton na Whittlesea.
- Ol Timor-Leste komyuniti em planti bilong ol i stap long Northern Territory na Victoria.
 - **Long Northern Territory,** ol Timor-Leste komyuniti em ol i pulap long Darwin na Palmerston
 - **Long Victoria,** ol bikpela Timor-Leste em ol i stap long Brimbank, Wyndham, na Maribyrnong.

💰 Kost bilong living na ol wej

- **Kost bilong living we i hai:** Sydney (New South Wales) na Melbourne (Victoria) i gat planti wok opotuniti tru tasol ol i gat kost bilong living we i hai tru
- **Ol wej we hai:** Ol rijenel eria long Queensland na Western Australia planti taim i save ofarim hai pe long pulim tingting bilong ol woka long ol ples we

i longwe long taun, tasol em i hat liklik long painim wanpela ples bilong stap long ol dispela hap

- **Kost bilong living we i low:** South Australia na Tasmania planti taim i gat kost bilong living we i low moa, tasol i no gat planti wok opotuniti tumas long hap.

Ol job makel long Australia

Ol kain wok we yu ken painim long Australia em i narapela narapela long wanwan stet o teritori. Eksampel, planti bilong ol maining stet (kain olsem WA, QLD na NT) i gat ol wok we i save baim gutpela pe, tasol yu bai nid long wok long rimot ples we i stap longwe long siti. Ol narapela stet (kain olsem NSW, VIC, na Australian Capital Territory (ACT)) i gat kainkain wok moa, tasol planti manmeri tu i wok long painim wok long hap.

Ol wok long sait bilong agrikalsa i stap long olgeta hap bilong kantri, tasol ol dispela posisen em ol i temporeri o kesuel.

New South Wales (NSW)

- Mein siti: Sydney
- Ol nambawan indastri: Ol weahousing na menufeksering (Western Sydney), hospitaliti na turisim (Eastern Sydney), ol koporet ofis (siti senta), eij kea na konstraksen (long olgeta hap bilong siti)
- Leba maket em i strong, na dispela em i min olsem I gat planti wok we i stap, tasol rent em i ekspensiv, na kost bilong living em i hai.



Victoria (VIC)

- Mein siti: Melbourne
- Ol nambawan indastri: Ol menufeksering, heltkea, na ats na krietiv indastri
- Leba maket bilong Victoria em i gat ol planti wok, tasol dispela ol wok em long sait bilong saintifik na teknikel sevis, na dispela i kamap bikos ikenomi bilong em i gat kainkain eria na em i wok long gro.



Queensland (QLD)

- Mein siti: Brisbane
- Ol nambawan indastri: Turisim, maining, agrikalsa, na helt kea
- I gat planti sisenel wok opotuniti, espeseli long ol rurel eria. Tasol, em i hat moa long painim haus long ol rurel eria.



Western Australia (WA)



- Mein siti: Perth
- Ol nambawan indastri: Maining, oil na ges, agrikalsa, na turisim
- I gat moa rimot main sait long Western Australia, na sampela wok i nidim ol employi long flai in na flai aut. Olsem na ol wej i bai hai moa.
- I gat strongpela diman long ol skil treid na teknikel wok. Tasol, painim haus long ol rimot eria em i hat.

South Australia (SA)



- Mein siti: Adelaide
- Ol nambawan indastri: Wain indastri, menufeksering, helt kea, na difens
- South Australia em i gat stebel job maket wantaim strongpela employem long sait bilong heltkea, riteil, konstraksen, edukesen na menufeksering. Na tu, em i gat kost bilong living we i low moa long ol narapela stet na teritori.

Tasmania (TAS)



- Mein siti: Hobart
- Ol nambawan indastri: Akuakalsa, turisim, hospitality, na agrikalsa
- Em i gat liklik job maket moa na klaimet we i kol moa, tasol diman bilong ol heltkea woka i wok long gro.

Northern Territory (NT)



- Mein siti: Darwin
- Ol nambawan indastri: I gat hai diman long ol woka insait long planti indastri, espeseli maining na ol skil treid
- Leba maket bilong Northern Territory em i wok long ekspirienisim strongpela diman long sait bilong maining, heltkea, na ol konstraksen woka. Ol employa i wok long painim ol lain husat i laik long bildim karia o wok insait long dispela rijen.

Australian Capital Territory (ACT)



- Mein siti: Canberra
- Ol nambawan indastri: Ol wok long sait bilong gavman na pablik sevis
- Ol wok em planti taim ol i stebel na i nidim wanpela yunivesiti kwalifikesen na sampela taim wanpela sitisensip bilong Australia.



Painimaut moa long PEV Employemen Sapot Sevis long pev.gov.au

Long websait bilong mipela, yu ken painim ol moa risos, wantaim employemen infomesen pep ana ol CV templet. Yu ken sain ap tu long ol Employemen Infomesen Sesen long lainim moa long painim wok insait long Australia.

